



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ars Bonæ Mortis. Sive: Quotidiana Erga Sanctissimam Dei Matrem Mariam Pietas

Ad omnia quidem utilis. Ad felicem tamen mortem obtinendam utilissima

Hevenesi, Gábor

Coloniæ Agrippinæ, [ca. 1708]

XXV. Maji.

[urn:nbn:de:hbz:466:1-50961](https://nbn-resolving.org/urn:nbn:de:hbz:466:1-50961)

S. Magdalena de Pazis mysterio Annuncia-
tionis Sacræ B. V. maximè addicta vixit:
ejusdem cordi S. Augustinus aureis literis
inscripsit: *Verbum caro factum est.* Inhone-
stis cogitationibus tentata ad Virg. recurrit,
aqua candido velo operta à carnis stimulo
immunitatem accepit, & à DEO Patre audi-
vit Deiparam ejus futuram custodem. *Ex
vita.* O præclaram custodem, sed ovium
tantum.

S. Magdalena! quæ à B. V. examen conscien-
tiæ facere docta es, ora pro me, ut præ omni-
bus maximam conscientiaæ meæ rationem
habeam, hanc sæpius & accuratè ad examen
revocem, ut nihil in ea vel DEI, vel MARIÆ
oculis displicens latere patiar, bona conscien-
tia fit mihi optima ad mortem præparatio,
O Sanctissima DEI, & mea, Mater pretiosis-
sima! ego N. indignissimus filius tuus ex toto
corde, &c. *fol. 2.*

Ad quod impetrandum: meas actiones &
affectus hodie examinabo, quomodo me in
cultu & amore B. V. habeam.

Quicumque sentit impugnationem ab ho-
stibus, mundo, carne, vel Dæmone, respi-
ciat castrorum aciem ordinatam, deprecetur
MARIAM, & ipsa mittet auxilium. *Innoc. 3.
ser. 2. de Assum.*

Quæstio: An præstet à B. V. petere victo-
riam in tentationibus, an à stimulo carnis
liberationem?